



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱՐԱՔԿԻՐ ՆՍՏԱՎԱՅՐ
(ՀՀ, համայնք Երեւան, Քանաքեռ-Զեյթունի, ՀՐ. Ներսիսյան Փ., մասնաշենք 10)



Քաղաքացիական գործ **թիվ ԵԴ2/8715/02/25**

Ո Ր Ո Շ ՈՒ Մ

ՎՐԻՊԱԿՆՈՒՂՂԵԼՈՒ ՄԱՍԻՆ

նախագահությամբ դատավոր

ԱՆՆԱ ՇԻԼԱԶՅԱՆԻ

2025 թվականի սեպտեմբերի 9-ին

քաղաք Երևան

քննարկելով Երևան քաղաքի առաջին ատյանի ընդհանուր
իրավասության քաղաքացիական դատարանի թիվ ԵԴ2/8715/02/25
քաղաքացիական գործով հայցադիմումը վարույթ ընդունելու և ապացույց
պահանջելու մասին որոշման մեջ թույլ տրված վրիպակն ուղղելու մասին,

Պ Ա Ր Չ Ե Ց Ի

□ԷՄՀԱԲ□ ՍՊ ընկերության ներկայացուցիչը հայցադիմում է ներկայացրել դատարան ընդդեմ ՀՀ պաշտպանության նախարարության՝ ՀՀ պաշտպանության նախարարությանը՝ «ՀՀ ՊԵ-ԲՄԱՊՁԲ-25-9/2» ծածկագրով գնման ընթացակարգի բաց մրցույթի գնահատող հանձնաժողովի 2025 թվականի հուլիսի 25-ի թիվ 1 որոշմամբ հրապարակված Հրավերի 4-րդ չափաբաժնի գնման առարկայի տեխնիկական բնութագրում նշված հետևյալ պահանջը՝ «Ձեռքբերման ենթակա ապրանքը պետք է լինի Guarisco արտադրող ընկերության Phoenix BLU18 մոդելի և/կամ համարժեք համարվող W&H արտադրող ընկերության Lyla 22 մոդելի և/կամ Techno-Gaz industries արտադրող ընկերության Europa B EVO և/կամ Euronda արտադրող ընկերության E10 մոդելի սարքերից որևիցե մեկը:», անվավեր ճանաչելու պահանջի մասին:

ՀՀ քաղաքացիական դատավարության օրենսգրքի 197-րդ հոդվածի 1-ին մասի համաձայն՝ դատական ակտում թույլ տրված վրիպակները, գրասխալները և թվաբանական սխալներն ուղղելու մասին միջնորդությունը կարող է ներկայացվել, իսկ դատարանն իր նախաձեռնությամբ այդ գործողությունները կատարում է դատական ակտի կայացման պահից մինչև դրա կատարումը, իսկ 2-րդ մասի համաձայն՝ առաջին ատյանի դատարանի դատական ակտում տեղ գտած վրիպակները, գրասխալները և թվաբանական սխալներն ուղղելու հարցը դատարանը լուծում է առանց դատական նիստ հրավիրելու: Դատական ակտում տեղ գտած վրիպակները, գրասխալները և թվաբանական սխալներն ուղղելու մասին միջնորդությունն առաջին ատյանի դատարանը պետք է քննի և լուծի այն ստանալու օրվանից 10 օրվա ընթացքում, իսկ 3-րդ մասի համաձայն՝ դատական ակտում տեղ գտած վրիպակները, գրասխալները և թվաբանական սխալներն ուղղելու մասին առաջին ատյանի դատարանը կայացնում է որոշում, իսկ 4-րդ մասի համաձայն՝ դատական ակտում տեղ գտած վրիպակները, գրասխալները և թվաբանական սխալներն ուղղելու կամ դրանց վերաբերյալ միջնորդությունը մերժելու մասին որոշումը կարող է բողոքարկվել սույն օրենսգրքով սահմանված կարգով, իսկ 5-րդ մասի համաձայն՝ դատական ակտը բեկանելու դեպքում իրենց ուժը կորցնում են դրանում տեղ գտած վրիպակները, գրասխալները և թվաբանական սխալներն ուղղելու մասին որոշումները, եթե այլ բան սահմանված չէ վերադաս դատական ատյանի որոշմամբ:

Սույն քաղաքացիական գործով հայցադիմումը վարույթ ընդունելու և ապացույց պահանջելու մասին որոշման մեջ պատասխանողի անունը «ՀՀ պաշտպանության նախարարություն»-ի փոխարեն նշվել է «Երևանի քաղաքապետարան», հետևաբար Դատարանը գտնում է, որ պետք է ուղղել հայցադիմումը վարույթ ընդունելու և ապացույց պահանջելու մասին որոշման մեջ թույլ տրված տեխնիկական վրիպակը, այն է՝ պատասխանողի անունը «Երևանի քաղաքապետարան»-ի փոխարեն պետք է կարդալ «ՀՀ պաշտպանության նախարարություն»:

Ղեկավարվելով ՀՀ քաղաքացիական դատավարության օրենսգրքի 197-րդ, 199-րդ, 200-րդ և 361-րդ հոդվածներով՝ Դատարանը

Ո Ր Ո Շ Ե Ց

1. Երևան քաղաքի առաջին ատյանի ընդհանուր իրավասության

քաղաքացիական դատարանի թիվ ԵԴ2/8715/02/25 քաղաքացիական գործով հայցադիմումը վարույթ ընդունելու և ապացույց պահանջելու մասին որոշման մեջ ուղղելթույլ տրված վրիպակը, այն է պատասխանողի անունը «Երևանի քաղաքապետարան»-ի փոխարեն կարդալ «ՀՀ պաշտպանության նախարարություն»:

2. Վրիպակն ուղղելու մասին դատարանի որոշումը կարող է բողոքարկվել Վերաքննիչ քաղաքացիական դատարան՝ այն ստանալուց հետո՝ յոթնօրյա ժամկետում:

Դատավոր՝ **Աննա Շիլաջյան**

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝ cabinet.armlex.am